

Dissertatio inauguralis medica de oscitatione ut signo in morbis / [Johann Konrad Finger].

Contributors

Finger, Johann Konrad.
Büchner, Andreas Elias, 1701-1769.
Universität Halle-Wittenberg.

Publication/Creation

Halae Magdeburgicae : E Typographeo Hendeliano, [1758]

Persistent URL

<https://wellcomecollection.org/works/n7b7enkf>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.


You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

22607/p 53050

DISSERTATIO INAUGVRALIS MEDICA
DE
OSCITATIONE
VT SIGNO IN MORBIS



QVAM
SVB AVSPICIIS SVMMI NVMINIS
ET
CONSENSV GRATIOSAE FACVLTATIS MEDICAE
PRAESIDE
PRO-RECTORE FRIDERICIANAE MAGNIFICO
D. ANDREA ELIA BÜCHNERO
SACRI ROMANI IMPERII NOBILI,
POTENTISSIMI PRVSSIAE REGIS A CONSILIIS INTIMIS,
MEDICINAE ET PHILOSOPHIAE NATVRALIS PROFESS. PVBL. ORDINARIO,
IMPERIALIS ACADEMIAE NATVRAE CVRIOSORVM PRAESIDE
ET COMITE PALATINO CAESAREO,

PRO GRADV DOCTORIS
SVMMISQVE IN MEDICINA HONORIBVS AC PRIVILEGIIS
DOCTORALIBVS RITE CONSEQVENDIS

AD D. SEPTEMBR. A. S. R. clō 1800 LVIII.

PVBLICE DEFENDET

AVCTOR

IOANNES CONRADVS FINGER
HERRNSTADIO-SILESIVS.



HALAE MAGDEBVRGICAE E TYPOGRAPHEO HENDELIANO.



V I R O
EXCELLENTISSIMO, EXPERIENTISSIMO
ATQVE DOCTISSIMO
D O M I N O
CAROLO THEOPHILO
ROGISS

MEDICINAE DOCTORI ET PHYSICO CIRCULI
GVRAVIENSIS FAMIGERATISSIMO,
ITEMQVE
REGII GLOGAVIENSIS COLLEGII MEDICI ADIVNCTO
MERITISSIMO,

PATRONO ATQVE FAVTORI
SUMMA ANIMI SANCTITATE AD CINERES
VSQVE DEVENERANDO,

SPECIMEN HOC INAUGURALE
QUICQUID LITTERARVM EST,
TESTIMONIO
SUMMAE SVAE VENERATIONIS
AC OBSERVANTIAE,


CVM MAXIME PIO ET ARDENTISSIMO VOTO
OMNIGENAE ET SEMPITERNAE PROSPERITATIS
ET CORPORIS INTEGRITATIS,

SACRVM ESSE IUBET

DEVOTISSIMVS CVLTOR
IOANNES CONRADVS FINGER,
HERRNSTADIO-SILESIVS.



DISSERTATIO INAUGVRALIS MEDICA
DE
OSCITATIONE,
VT SIGNO IN MORBIS.



PROOEMIUM.



Qui multiplices illas variasque singularum corporis humani partium vires actionesque accurata persecuti sunt expositione, Physiologi per luculentissimas abunde satis euincunt demonstrationes, nullas omnino in vniuersa vitali nostra machina deprehendi mutationes, quae solo quasi partium ipsarum adfectarum atque mutatarum ambitu continentur, neque ad reliquas etiam partes,

praecipua quadam connexione aut propiori vicinitate coniunctas, transeant, easdemque rapiant in consensum. Atqui haec peculiaris omnium mutationum in corpore nostro communio consensusque iam pridem Medicis materiam praebuit, non morborum modo & complicatorum cum iisdem symptomatum indolem causasque exinde reddendi explicatiores atque luculentiores, verum etiam ex iisdem his phaenomenis, per consensum partium ortis, confectandi plura, quae Semiologiae medicae, nec dum satis elaboratae, aliquid emolumenti incrementique adferre possent. Equibus istiusmodi inprimis actiones corporis humani prae reliquis ad hos usus aptissimae convenientissimaeque videntur, quarum complicatio ampliorque est mechanismus; quoniam hinc fieri non potest, quin plurimum partium coniunctiori uniantur nexu. Harum actionum e numero quum *Oscitationem* quoque esse intelligerem, protinus sollemne profectuum meorum medicorum specimen meditatus, circumspicere coepi, vtrum huic argumento pertractando & ad semiologicas inprimis rationes reuocando ante me vacauerint quidam, nec ne? At enim vero perspexi
mox,

mox, nisi me fefellerunt omnia, hanc saltem in messem Medicorum neminem adhuc immisisse falcem. Operae itaque existimaui pretium, quoad eius facere poterō, de *Oscitatione* ita agere, ut, quae in semiologicis inde euolui possint, lectores mei edoceantur. Quibus conaminibus meis ut diuinum annuat Numen, ardentissimis precibus oro exoptoque.



§. I.

At dum optimam euoluendorum ex *Oscitatione* signorum medicorum, in cognoscendis variorum, qui corpus humanum adfligunt, adfectuum naturis rationibusque & euentibus aestimandis profuturorum, methodum convenientemque meditor ordinem, inconcinne oscitanterque meo perfuturus mihi videor instituto, nisi ita disputandorum disponam seriem, ut primo ipsius *Oscitationis notio* naturalisque mechanismus e Physiologorum praeceptis expediatur; dein vero ex cognitis his singulis partibus, ad producendum hunc peculiarem motum mutuas conferentibus vires, earundemque varia adfectione ea defumantur argumenta, quae definiendae designandaeque diuersae morborum diagnosi prognosique inseruire possunt.

§. II.

§. II.

Verum enim vero maxime esset verendum, ne bona lectorum pars prae nausea satietateque sint oscitaturi, si longo sermone ipsos ad controuersam vocabuli oscitationis etymologiam morari vellem *a*). Contra ea praesentis potius interest propositi, praemonere paucis, aliam quandam huius generis actionem, haud adeo dissimili motu musculari constantem, quam *pandiculationis* nomine vulgo designare solemus, ab oscitatione omnino esse distinctam; licet ceteroqui saepius vtraque coniunctim & vno quasi actu edatur. Quippe in hac conspicua quaedam atque definita respirationis mutatio, & peculiaris ducendi spiritus occurrit ratio, quae, dum pandiculamur, non obseruatur; ut plurimas alias huius differentiae notas, quas Physiologorum est explicare, in praesentia silentio praetermittamus *b*).

§. III.

Quod si vero, quid sit oscitatio (§. I.), quaeras, paullo intentius animum advertere te oportet ad varia ista phaenomena, quae partim ante oscitandum in corpore eueniunt, partim ipsam efficiunt absoluuntque oscitationem. E priori genere inprimis sunt antecedens

a) Si quis tamen forte lautiusculis huius farinae cupidinis delectetur, habebit, quo cupiditati satisfaciat suae, euoluturus illustris quondam Mich. ALBERTI Dissert. de Oscitatione, Hallae nostrae anno MDCCXXXVII. emissam, §. I.

b) Confer de his plura, si placet, in Celeberr. Aug. Frid. WALTHERI Dissert. de Oscitatione, §. I. Lipsiae, ann. MDCCXXXVIII. & Magnifici atque Illustris PRAESIDIS Dissert. de Oscitationis mechanismo, anno MDCCXLIX. disceptata.

dens quaedam vniuersi corporis grauitas atque lassitudo, musculorum, praecipue ad respirationem pertinentium, laxitas atque debilitas, obscurum quendam inferens stuporem torporemque, & tardus denique sanguinis & humorum, praesertim per vasa pulmonalia, progressus, cum sensationum, nescio qua, ignauia & deside actione. Atque tunc obscura quaedam superuenit imaginatio; a qua protinus lenta, sensimque succedens, & naturali profundior excitatur inspiratio, cum longa amplaque oris diductione coniuncta, quam deinceps aequae lenta & perfecta sequitur exspiratio. Cui ipsi actioni tum *oscitationis* indimus nomen.

§. IV.

Antequam vero omnes, quae ad hanc actionem (§. III.) conspirarunt, partes sigillatim recensemus, *generaliores*, qui in corpore humano absolutam sequuntur oscitationem, *effectus*, duobus, quod aiunt, exponere liceat verbis. Atqui has oscitationi succedentes mutationes a quotidiana fere experientia locupletissime edocemur. Quippe, simulac quispiam oscitauit, singularem & obscure gratam percipit sensationem, corporis lassitudo atque grauitas quasi ad momenta temporis abstergitur, musculorum torpor itidem a restituta naturali contractione excutitur, & ipse sanguinis motus nonnihil acceleratur, efficaciorque euadit. Verum haec omnia generatim tantum & velut in transcurso accidere obseruantur. Qui autem *specialius* in diuersis humanae machinae locis inde eueniunt, effectus deinceps luculentius tradi poterunt, si prius varias illas

compositas operas, a variis partibus ad oscitationis actionem collatas, breuissime fuerimus persecuti.

§. V.

Atqui hoc in actu, sicuti curiosius attendentibus facile constare potest, plerique, quibus alias masticatio, deglutitio, respiratioque perficitur, musculi partim intenduntur contrahunturque, partim remittuntur atque relaxantur. Inprimis vero prae reliquis ad oscitationem suam conferunt opem omnes ossi maxillari inferiori partibusque subiectis & vicinis mouendis dicatae carnes. Quippe, ut deorsum declinet haec maxilla, efficiunt potissimum biuenteres musculi, singulari ratione fibris suis tendineis intermediis ad os hyoides religati, simulque, anteaquam ad os maxillare inferius reuinciuntur, cum musculis mylohyoideo & stilohyoideo coeuntes. Praeter hos vero concurrunt quoque reliqui, huius ossis descensum adiuuantes musculi, alique ossi hyoidi contiguisque partibus annexi, verbi causa, ex parte pterygoidei externi, geniohyoidei, genioglossi, sterno-hyoidei, coracohyoidei, homohyoidei, & ceteri, qui supersunt, plures. Quo minus autem exinde rictus oris subito & quasi raptim contingat, ipse impedit renisus musculorum, maxillam hanc eleuantium, temporalium, masseterum, & internorum pterygoideorum; quorum relaxatio quasi per gradus fit, adeoque huic maxillae placide mouendae praecipue inferuit c).

§. VI.

c) Subtilius, pro more suo, muscularem hunc organorum,
osci-

§. VI.

At coniuncta cum maiori oris rictu sub oscitatione inspiratio profunda (§. III.) longe profecto maiorem musculorum numerum in conspirantes agit motus. Nolumus autem expectari hic a nobis amplam singulorum horum musculorum recensionem; quum eadem omnes physiologici scriptores locupletissime perfungantur, complurium pectoralium, inprimis intercostalium, nec non abdominalium communem in agendo concursum demonstrantes. De hoc autem seorsim moneri se patiantur lectores, quod sub oscitatione, quippe non simplici respiratione, sed maiori inspirationis expirationisque gradu (§. cit.), plures hic, alias quiescentes, conspirent muscoli: cum spiritui profundius adducendo inferuientes, scaleni, trapezii, mastoidei, cervicales descendentes, pectorales, levatores costarum, serrati superiores, alique nonnulli; tum similem validiorem adiuuantes expirationem, sacrolumbares, longissimi dorsi, atque quadrati. Quorum singulorum varias agendi rationes ex Anatomicorum demonstrationibus repeti oportet d).

B 2

§. VII.

oscitationem producentium, mechanismum exposuit celeberrimus *Aug. Frider. WALTHER*, in *Dissert. citat.* §. II. sqq. cui adiacere oportet illustrem *Albert. de HALLER* in *Primis lineis Physiologiae*, §. DXCVII. & DXCVIII, & *Magnificum PRAESIDEM* in *Dissert. citat.* §. V. & VI.

d) Huc quoque conferas modo laudati *de HALLER Libr. cit.* §. CCXCI. & CCXCVI, & excellentissimi *Christiani Gottlieb LUDWIGII Institutiones Physiologiae*, §. 441. & 442. & prae reliquis *Magnifici PRAESIDIS Dissert. citat.* §. II. & III.

§. VII.

At in tanta tamque amplissima musculosae actionis, quae ad oscitationem pertinet (§. V. VI.), complicatione, quae non sine singulari efficacissimaque omnium actionum vitalium naturaliumque adfectione fieri potest, quis non insignes in vniuerso corpore humano ab oscitatione excitatum iri mutationes ominetur? Considerate modo, ni taedet, lectores, tot tamque multiplicium musculorum, quos nominatim tantum attigimus (§. cit.), cum diffusissimis neruorum generibus, quinto, octauo siue vago, & intercostali, mutua eaque arctissima commercia; expendite respirationis grauissimum in omnes reliquas machinae nostrae functiones imperium; intueamini denique varias, quae itidem exinde sanguini humoribusque circulantibus accidunt, vicissitudines mutationesque, neque profecto erit, cur diuersos istos oscitationis effectus, tam generales, superiori loco (§. IV.) iam recensitos, quam speciales quosdam, protinus breuissime exponendos, magna prosequamini admiratione.

§. VIII.

Nempe inter has *singulares*, qui in oscitanti-
bus eueniunt, *adfectus*, primo lubet nominare loco
eos, vnde variarum capitis partium actiones immu-
tantur. Quo nomine inter oscitationis comites re-
ferri oportet auctiorem salivae excretionem, a glan-
dulosis ipsius promptuariis, per agentes circumiectos
musclos compressis, inductam e); porro leuem
quan-

e) Ad physiologicas rationes hoc phaenomenon expendit cele-

quandam interdum illacrymationem, a similibus causis oriundam *f*); tum auditus grauitatem, quae externae meatus auditorii sub oscitatione coarctationi, & maiori tubae Eustachianae apertioni debetur *g*); ipsam denique deglutitionem prorsus interceptam, nec non loquelae summam difficultatem & ad distinctos sonos producendos ineptitudinem, quae quin oriatur, fieri non potest, quum ipsis his actionibus alias destinati muscoli hyoidei, pharyngei, & laryngei sub oscitatione, ut supra ostendimus (§. V.), potissimum in motum agantur *h*).

§. IX.

Sed in reliquo, quod superest, corpore itidem quaedam partes, earundemque varii motus singulariter ab oscitatione immutantur. Quandoquidem non solum vniuersa respirationis organa hoc sub actu variam subeunt mutationem, uti iam ex supra disputatis (§. VI.) patuit; sed speciatim quoque dum oscitatur, pars asperae arteriae intra pectus retrocedit, aer copiosius pulmones subit, omnesque bron-

B 3

chio-

celeberr. WALTHER in *Dissert. citat.* §. VI. quocum confer Magnifici PRAESIDIS *Dissert. citat.* §. XIX. & celeberr. ALBERTI *Dissert. allegat.* §. IV.

f) Denuo hic excitandi sunt celebratissimi viri, WALTHER & ALBERTI in *Dissertationibus citatis*: prior §. XVIII. & posterior, §. IV.

g) Huius quoque phaenomeni mechanismum subtilius in *citatis scriptis* tradiderunt Magnificus PRAESES, §. XVIII. WALTHER §. VII. & ALBERTI §. III.

h) Hic etiam videbis ante omnes WALTHERIANAM *Dissertationem* §. II. ad V. & VIII. cui addi potest ALBERTI in *Diss. citat.* §. III. & sequent.

chiorum ramos quaquaversum in longitudinem latitudinemque distendit, eoque modo sanguinis per pulmonalia vasa transitum celeriores vegetioresque *i*) reddit (§. IV.). Simul vero amplissimum illud transpirationis insensibilis genus, quod a pulmonum vasculis exhalantibus efficitur, a fortiori, dum remittit oscitatio, expiratione, copiosius & profusius euadit, saepiusque sic spissiores stagnantesque humores, pneumonicum viscus offendentes, efficacissime discutit expellitque *k*). De consilio denique tacemus hic, ut breuitati prospiciamus, singulares intensosque, qui hic conspirant, diaphragmatis, pericardii, intestinorum, omniumque viscerum abdominalium motus: quippe qui ex respirationis theoria, quam Physiologi tradunt, Medicorum nemini incogniti obscurique esse debent *l*).

§. X.

Verum enim vero perpauca adhuc variorum horum motuum, ad oscitationem perficiendam concurrentium, *causae proximae* atque *efficientes* restant euoluendae; quandoquidem eadem ipsae saepenumero aliorum quoque adfectuum, subinde humanum affligentium corpus, rationes complectuntur, eoque nomine ad aestimandas eorundem morborum diagnoses prognosesque praecipuae sunt commodi-

i) Plenius omnia haec disputauit saepenumero iam laudatus WALTHER in *Dissert. citat.* §. IX. & sequent.

k) Hunc effectum inprimis evidentissime demonstrauit modo citatus WALTHER in *Dissert. allegat.* §. XIII.

l) Seorsim tamen & haec phaenomena exposuit iam dictus celeberrimus WALTHER in *Dissert. cit.* §. XIV. ad XVI.

moditatis utilitatisque. Atqui hic ea repentes animo phaenomena, quae oscitationis sunt incitamenta (§. II.), haud leuibus incongruisque argumentis videmur nobis vniuersum omnium causarum, vnde ad oscitationem impellimur, apparatus ad solam rectissime deferre lenissimam fibrarum musculo-neruofarum, motui respiratorio & maxillari destinatarum, irritationem, a progressiuo sanguinis atque fluidi nervei per easdem motu quomodocunque, sed lenissime tamen, retardato atque impedito excitatam, & cum anima, obscuro tantum sensationis genere, communicatam *m*). Quorum impedimentorum, profluentibus per valcula humoribus obiectorum, quum plurimae porro esse possint causae, haud adeo mirum esse oportet cuiquam, qui fiat, vt naturali non solum actionum vitalium corpori, verum etiam haud paruo morborum numero frequentiores superueniant oscitationes.

§. XI.

Proinde quoque quoniam hae ipsae oscitationes (§. X.) eiusmodi sunt phaenomena, quae, si in corpore humano eueniunt, sensibus deprehendi, & ex quorum praesentia eorundem etiam causae (§. cit.), vt praesentes, colligi possunt, apertae est demonstrationis, per ipsam *signi* notionem philosophicam,

m) Obscuram hanc intricatamque oscitationis aetiologiam enodate distincteque explicuit *Magnificus PRAESES* in *Dissertat. citat.* §. XIII. seqq. quocum tamen conferendus quoque est saepe laudatus illustris *WALTHER* in *Dissertat. citat.* §. XVII. & XVIII.

cam, Medicum oscitatione, ut signo, commodissime uti possit. Verum enim vero quum ea corporis nostri sit conditio, is status, ut omnes omnino, quaecunque accidunt, mutationes certo quodam & per ipsius machinae humanae rationes definito modo inter se conueniant conspirentque: sequitur exinde euidentissime, ut ex ipsa hac conspiratione consensuque haud dubia intelligi possit coniectura, cum ex quibus praeteritis motibus, tanquam causis, ipsae oscitationis ortae fuerint causae; tum quales nouae ex iisdem his ipsis futurae in humano corpore sint mutationes. Ex quo apparet, aliquid etiam adminiculi in oscitationum consideratione medica esse positum ad praesentem, praegressam, venturamque corporis nostri conditionem perspiciendam. Atqui vero circulatio humorum quomodocunque retardata atque impedita, simulque obscura sensatio ingrata inde concitata, oscitationum quippe causa (§. cit.), qualibuscunque adfectionibus humanae sanitatis morbosis iure meritoque inferenda est; sicuti in Pathologorum scholis locupletius demonstratur: unde vel ipso hoc nomine oscitationes inter *morborum signa* haud postremum occupabunt locum.

§. XII.

Ad faciliorem itaque morborum, diuersorumque, quos subeunt, statuum intelligentiam oscitationum indicia impraesentiarum exposituri, & ad physiologica, quae iam commentati sumus (§. III-X.), dogmata amplius exacturi, ut concinnior explicatioque nostra sit disputatio, duobus inprimis generi-

neribus omnem hanc signorum, a singulari huiusmodi oris hiatu petendorum, vniuersitatem distinctam dispositamque sistemus: altero, quod velut *generalem* horum indiciorum complectatur *classsem*, easque generatim euoluat mutationes, quas primariae magisque vniuersales corporis humani functiones sub oscitabundo motu subeunt; altero vero, quod per partes quasi eat, eaque *speciatim* & seorsim expendet, quae variis singularibus nostrae fabricae partibus, dum oscitatur, contingunt, variorumque morborum peculiarium praesentiam indolemque designant.

§. XIII.

Quodsi igitur primo praesentem corporis humani statum sub oscitatione generatim intueamur (§. XII.), adeoque insolitum hunc motum *diagnostici signi* loco habeamus, facillima e collectis comparatisque, quas supra exposuimus (§. X.), huius phaenomeni caussis est iudicatio, adesse iam in nostra machina quantulamcunque omnium actionum vitalium, motus nempe circulatorii humorum fluidique neruei, itemque respirationis difficultatem, vndecunque productam, arctissimoque vinculo cum hac connexam obscuram torporis lassitudinisque sensationem (§. cit. & III.). Caue autem, existimes, in quotidianis, torpidorum, segnium, dormiturentium, aut adhuc a capto somno semisomnium hominum oscitationibus haec fieri secus, aliudque illis statuendum esse pretium. Tantum enim abest, vt in his dictae deficient caussae, vt potius leuissimus tantum earundem gradus, facillime nouo &

ab irritatione incitato contractili musculorum motu tollendus, subobscuram praedictarum mutationum coniunctarum reddat sensationem. Contra ea frequentissimae, continuae & inuitis hominibus accidentis oscitationes, quas *oscedinem* Latini, *χασμωδία* Graeci appellant *n)*, grauitatem ante memorati vitii, vitales motus nonnihil laedentis atque corrumpentis, testantur, certissimam foecundissimamque, ni tollatur protinus, plurimorum morborum matrem euasuram. Vnde etiam veteres Medici, haud indonei signorum medicorum scriptores, HIPPOCRATES, GALENVS, AVICENNA, aliiq^{ue} *o)* inuitos atque crebriores oris ad oscitationem rictus morborum classi inseruerunt.

§. XIV.

Quae vero ex frequentioribus huiusmodi oris hiatibus (§. XIII.) generatim *praenosci* praeiudicarique possint, facile ex ante disputatis (§. *citat.*) clarum distinctumque esse potest lectori. Quandoquidem ex grauiori istius generis humorum per canales euntium difficultate atque tarditate non solum fibrae solidae, liberiori fluidi vitalis neruei influxu interclusae, pristinum naturale amittent robur, laxioresque euadent, verum etiam ipsa fluidorum moles

n) Vide, si lubet, Auli GELLII *Noctium Atticarum* Libr. IV. Cap. XX. cui addi merentur Hieronymus MERCVRIALIS in *Variarum Lectionum* Libr. V. Cap. X. & saepius iam laudatus WALTHERVS in *Dissert. citat.* §. XVIII.

o) Ne longi simus, excitabimus solum Ioannem Conradum BARCHVSEN in *Collectis Medicinae practicae generalis*, Cap. V. §. XX. haec veterum auctorum loca indicantem.

moles spissiore inquinauioremque contrahet mixtionem, passimque congestionibus stagnationibusque effectis, spasmorum, inflammationum, infarctuumque variorum origini dabit ansam. Quo nomine haec iam pridem intuiti veterum Medicorum perspicacissimi quidam, hominibus frequentissime oscitantibus imminentes augurati sunt morbos p). Quos secutus e recentioribus Daniel SENNERTVS, haud ignobilis auctor: *Oscitatio, inquit q), & pandiculatio etsi saepe pigritiae saltem signa sunt, aut ex imaginatione proficiscuntur: interdum tamen a causa morbifica ortum habent, & morborum instantium sunt praesagia.* Cui adiacere liceat Franciscum duPORT, elegantissimi ingenii poetam Semiologum, & sine merito suo hodie paullo obscurioris nominis, de morborum imminantium signis ita canentem r):

*Si praeter solitum macies, aut corpus obesum,
Aut calor, aut grauitas, aut somnia plena tumultus,
Eque breui somno sopor, aut cutis ulcere foeda est;
Si sudor pectus, cervicem, crura, genuae
Permeat, aut animus languet, corpusue fatiscit;
Si dolor aut oculos tenet, aut praecordia, pectus,
Aut capitis venas, horrorue perambulat artus,
Spiritus aut grauis est, repetitus & oris hiatus,
Adfore praedicas, vel adesse in limine morbum.*

C 2

Qui-

p) Confer eundem, quem modo not. o) allegauimus, scriptorem, eodem loco.

q) In *Institutionibus medicinae* Libr. II. Part. III. Sect. II. Cap. V. pag. 457. Edit. Vitenbergens. ann. MDCLXVII.

r) In *Libris IV. de Signis morborum*, Libr. I. Cap. VIII. p. 11. Edit. Parisiensis, ann. MDCLXXXIV.

Quibus omnibus denique, licet tacite, adsentit etiam *Hermannus BOERHAAVE*, vir in tantum laudandus, in quantum omnibus paene reliquis Medicis doctrina & celebritate antecelluit, a lassitudine insolita & corpore torpido, quippe oscitationis prodromis & irritamentis (§. II.), futuri morbi signa deducens s).

§. XV.

Verum enim vero quum & ipsa oscitatio, & eiusdem causae suis innitantur causis, tanquam effectus, haud incerta quoque iudicatione, ope rationis iusti atque exacti, praegressae istae corporis humani mutationes, a quibus praesentes vitiosae oscitationemque efficientes dependent, in Medici notitiam peruenire possunt. Generalem itaque hanc *anamnesticorum signorum*, ex oscitatione, praesertim frequentiori, deducendorum classem euoluturos nos ante omnia attendere oportet ad omnia ea mutationum, in fabrica nostra obuenientium, genera, quae qualemcunque motuum vitalium inertiam (§. X.) producant. Huc vero, docentibus Pathologis t), pertinet potissimum in genere solidarum partium imbecillitas atque atonia, liquorum vitalium mixtio peruersa nimisque spissa & glutinosa, aut copia iusto maior minorue, vel in vniuerso corpore, vel in peculiari tantum eiusdem parte haerens,

s) In *Institutionibus medicis*, §. 898.

t) Conferendi, verbi causa, sunt *Magnificus PRAESES* in *Fundamentis Pathologiae generalis*, Sect. I. Cap. II. §. XXV. & *Perillustri Gerardus L. B. van SWIETEN* in *Commentariis in Hermannii BOERHAAVE Aphorismos de cognosc. & curand. morb.* §. 106. ut alios taceamus.

haerens, & inaequali renisu in solidorum vasculorum agens compagem. Quodsi vero porro, ducibus iisdem Pathologis, in horum phaenomenorum origines inquiras, intelliges, huiusmodi solidorum debilitatem, incongruamque fluidorum conditionem, infinitis deberi causis; verbi gratia, diuturnis vigiliis, immoderato somno, diaetae laetae, intensiori longiorique musculorum motui, excretionibus naturalibus aut nimis, aut parciorebus suppressisue, inaequali & intemperato ingestorum erga egesta habitui, plurimisque aliis; quas hic recensere amplioris, quam hae ferunt paginae, instituti esset futurum. Atqui vero omnium singulorumue horum adfectuum pristinae iniuriae, huius vel illius hominis sanitati subinde illatae, saepenumero quoque per crebriorem oscitationem sui memoriam in Medicorum notitiam reducant.

§. XVI.

At profecto, quae in singularibus morborum generibus, indolis euentusque intuitu, ab oscitationum magnitudine frequentiaque speciatim manifestantur, nunc porro (§. XII.) peculiarem exigunt considerationem. Qua in re ut eo strictius institutum expediamus nostrum, semiologicas has observationes variorum veterum recentiorumque Medicorum, quas sub crebriori repetitaque experientia

multa dies & multa litura coërcuit u),

confirmantque, secundum summa quaedam morborum genera sumus exposaturi. Agmen horum

C 3

ducant

u) HORATIVS de arte poetica, vers. 293.

ducant febres, amplissimum genus; subsequantur haemorrhagiae; tum succedant molestissimi grauis-
simique congestionum sanguinearum serosarumque
comites, dolores nempe spastici, rheumatici, arthri-
tici, conuulsiuique; hos excipiant omnium iniquis-
sima & aegre explicabilia labis viscerum deiectione
in solidis partibus roboris confectaria; tandemque
agmen claudant aliquot mala, quae infantes inpri-
mis, feminasque grauidas aut parturientes infe-
stant.

§. XVII.

In *febrili genere* (§. XVI.) quasi regnant oscita-
tiones; testibus tam quotidiana experientia, quam
ingenti obseruatorum medicorum apparatu x).
Cuius phaenomeni ratio eo minus obscura esse po-
test cuidam, quo magis quantulicunque minimo-
rum & extremorum vasculorum spasmus, insultus
febrilis auctores & velut promi condi, sanguinis
motum & influxum nonnihil retardant, eoque ipso
modo musculis molestiam creant, torporisque in-
ferunt sensum. oscitationis irritamentum (§. III. X.).
Sicubi ergo oscitauerint eiusmodi aegrotantes fre-
quentius profundiusque, non solum certissima pro-
gnosi praedicenda est febrilis paroxysmi accessio;
sed ipsa quoque oscitationum insolita frequentia &
diutur-

x) Vin', vt excitem hanc nubem? Profecto haud serio velis,
nisi longissimam quoque omnium Pathologorum Semio-
logorumque, qui ab HIPPOCRATIS temporibus ad recen-
tissimam vsque aetatem inclaruerunt, velis enumeratio-
nem. Interim omnia haecenus laudata atque allegata scri-
pta haud incommode hanc in rem euolui possunt.

diuturna protractio, nisi aegrotantis consuetudo interludat, grauiorem longioremque spasmodum febrilium durationem & maiorem, copiosiore, efficacioreque materia morbigica locupletissimo indicio manifestat.

§. XVIII.

At prae reliquis *intermittentium febrium* genus inter diagnostica, quibus se obseruantibus sistit, signa frequentiores sibi vindicat oscitationes, misero aegroto tam ingrati & molesti hospitis accessionem denunciantes. *Oscitationes*, inquit HIPPOCRATES y), *febres praecedunt*, & quidem, ut reliqua illic disputata conferentibus primo constabit intuitu, *intermittentes*. Grauius tamen hi ipsi graues febris venturae indices, partim in tertiana sub prioribus paroxysmis, dum accessum indicant z), partim in genere, adnotante *Laurentio BELLINO* a), in quartana homines inuadunt. Quorum phaenomenorum rationes haud difficiles sunt explicatu, si arctissimum illud mutuum ventriculi cum diaphragmate ceterisque respirationis organis vinculum, a natura per vagi intercostalisque paris neruei filamenta nexum (§. VII.), paullo attentius intueamur, simulque consideremus, primis praecipue febrium intermittendum temporibus primas vias cruditatibus variis insigniter esse obrutas, anteaquam concoctiones eafundem

y) In *Libro de Flatibus* p. 298. Edit. Foesum. Geneu. MDCLVII.

z) Conferre hac de re plura potes in *Magnifici PRAESIDIS Fundamenti Semiotologiae medicae*, Part. specialior. Sect. I. Cap. I §. I. & Illustris ALBERTI *Dissert. citat.* §. IX.

a) In *Libro de Febris*, Proposit. XXIII.

rundem criticae molestam hancce materiem aut correxerunt, aut penitus sustulerunt *b*).

§. XIX.

Tantum vero abest, ut reliquis febrium classibus suae & velut propriae, eaeque ominosae desint oscitationes; ut potius passim, tanquam variarum indicationum medicarum adminicula & argumenta, sint animaduersae. Audite legiteque, ni piget, lectores, quid, *exanthematicarum febrium* intuitu, *Franciscus du PORT*, iam supra a nobis honorifice excitatus (§. XIV.), ex eiusmodi superuenientibus oscitationibus, non sine aliorum symptomatum confortio obseruatis, praedixerit, ut vates.

*Erumpent, inquit c), illis papulae, quibus oris hiatus
Crebrior, expansaeque manus, corpusque per omne
Punctio, cum querulo capitis dorisque dolore;
Raucaeque vox faciesque rubens, lacrymaeque profusae
Spiritus haud facilis, naris pruritus & auris,
Et pavor in somnis tremulus, febrisque, sitisque est.*

Praeter haec vero haud rarae quoque est obseruationis, in iis, qui a seroso ad pituitariam SCHNEIDERI membranam, glandulas faucium collique salivales, & bronchialia vasa decubitu in *catarrhales* incasuri sunt *febres*, frequentiore plerumque contingere oscitationem, imminentis iam insultus febrilis praenunciatricem. Quod utrumque febrium genus quum, sicut e pathologicis constat, corrupto &

b) Plurima quoque huc pertinentia eximie differit *Magnificus PRAESES* in *Dissert. citat.* §. XXII.

c) In *Libro citat.* Libr. IV. Cap. XXIII. p. 117.

& stagnanti in vasculis minimis humori seroso lymphaticoque ortum debeat suum, & posterius in primis masticationis, deglutitionis, respirationisque organa occupet, minime profecto mirum est, haec ipsa loca, ob perfluentium humorum tarditatem atque lentorem, ad frequentes excitari oris hiatus (§. X.).

§. XX.

Praeter ea vero haud infrequentis est observationis, ut auctor testisque est celeberrimus quondam vir, *Michael ALBERTI d)*, quod in febribus biliosis in initio, quando acris haec materia in primis viis febrim

nutrimenta dedit, rapuitque in fomite flammam,

& febriles protinus excitatura est aestus, aegrotantes crebrius oscitent, & accessuri sui mali indicium exhibeant. Denique fuerunt etiam interdum *pestilenciales febres*, in quibus oscitationes malum portenderunt euentum. Cuiusmodi perquam memorabile exstat exemplum apud *Polydorum VERGILIUM: Subiit, inquam e)*, aliud pestis genus *Romae, ut cum quis sternuisset aliquoties, continuo occideret; — item & oscitare simul lethale fuit; propter quod sese crucis signo repente communire consueverunt, & hoc etiam nunc ab oscitantibus fit f)*. Et paulo

d) In Dissertatione saepius iam citata, §. IX.

e) In Libris octo de rerum inuentoribus, Libr. VI. Cap. IX. pag. 392. & 393. Edit. Argeator. MDCVI.

f) Retinent veterem hunc morem etiam nunc nutrices aliaeque mulierculae, infantum gerentes curam; quippe quae

paulo post: *Oscitantes sibi timere ex quadam religione constat, quod oscitatio ex somno aut taedio sequatur, ac in iis, qui febrim habent, sit aduentantis seu potius augescentis febris indicium.* In quo utroque febrium genere iam memorato quid causae subit oscitationum, ex reliquis euidenter apparet symptomatibus; quae & de varia respirationis difficultate, & de euidenti primarum viarum debilitate inordinatoque eorundem motu peristaltico testantur, eoque nomine vitiosi huius oris rictus causae euadunt (§. X. XVIII.).

§. XXI.

Nunc autem porro ad eorum signorum, quae variae de *morbis haemorrhagicis* diagnosi prognosique statuendae inferuiunt (§. XVI.), & ab oscitatione desumi possunt, euolutionem conuertenda est oratio. Quippe tam actiuae vel naturales, quam passivae seu praeternaturales sanguinis effusiones, ut in scholis medicis vulgo audiunt, siue iustam excefferint copiam, siue parcius emanauerint vel penitus fuerint suppressae, mirum quantum omnino valent ad sanguinis ceterorumque humorum per vasa minima progressum mutandum, retardandum, sufflaminandumque, & hac ipsa ratione eas partes, quas natura masticandi respirandique negotio absolviendo praefecit, insigniter adficiendas (§. X.). Quibus verbis nostris exempla fidem danto. Primo itaque si ad *naturales* respiciamus *haemorrhagias*,

hiantes infantum recens natorum fauces, dum crebrius oscitare solent, crucis signo signant, ne forsan, nescio quid mali, illis accidat.

gias, haud infrequentes earum, cum suppressarum, tum excedentium atque profusarum, comites in variis observationum medicarum scriptoribus deprehendimus oscitationes crebras & adfatim semet invicem excipientes, & semper intensiorum graaviorumque spasmodorum complicatorum praesentium, vel saltem maxime imminentium, declaratrices. Memoratu hanc in rem dignissima sunt exempla, a *Philippo* HOECHSTETTERO, & *Vito* RIEDLINO relata: quorum prior *g*) virginem vidit quatuordecim annorum, texturae rarioris & exilis, nondum menstruas passam purgationes, & hinc in tantas tamque frequentes & quotidie quarta hora post meridiem redeuntes delapsam oscitationes, ut, quasi contractis convulsisque thoracis musculis, pectus continua spasmodica iactatione concuteretur, non illaesis & dolenti consensu exclusis abdominalibus musculis; posterior vero itidem virginem observavit *h*), viginti duo annos natam, quae, nescio qua de causa, impedito catameniorum fluxu, primo plenissimum periculi spasmodicum suscepit asthma, paulo post vero tanta frequentia, tamque vehementi motu oscitare coepit, ut non solum exinde caput valde doluerit, sed & ipsum os aliquoties, tamquam luxatum, non, nisi aliorum adminiculo eleuatum, iterum claudi potuerit. Quibus longe

D 2

plura

D 2

plura

g) Videantur eiusdem *Rararum Observationum medicinalium Decades sex*, Dec. IV. Obs. IX. p. 447. seq. Edit. Francofurt. MDCLXXIV.

b) Referente ipso in *Lineis medicis*, Ann. I. Menſe Nouembr.
Obſ. XVI. p. 385. Edit. Auguſtae Vindelicar. MDCXCV.

plura adiungere possemus eiusdem argumenti exempla, si reliquarum haemorrhagiarum, praecipue haemorrhoidum, anomalias, vitioso huiusmodi & oscitante oris rictu interdum stipatas, quae subinde attenta diuersorum Medicorum obseruatione animaduersae sunt, longiori persequi vellemus oratione.

§. XXII.

E contraria autem parte (§. XXI.) tam, quae natura fiunt, quam, quae externis inferuntur violentiis, copiosiores sanguinis profusiones ex superuenientibus oscitationibus saepenumero aestimari iudicarique possunt. *Quaeris enim oscitatio, rectissime monente illustri WALTHERO i), praesertim si crebrior fuerit, certos morbos intendit. Et inter hos haemorrhagiae quoque sunt. Quam ob rem in vulneribus grauioribus, deinde in immodica narium haemorrhagia, & haemoptysi, plurimum ea metuitur, & nocet.* Si ea enim, quae exinde diagnosticis adnumerari possunt signis, singulatim spectes, oscitatoriae huiusmodi haemorrhagiae, vt ita loqui liceat, haud dubiam Medico mouebant suspicionem, vasa sanguifera iam adeo nimis liquore suo esse vacuata, aut liberum vitalis liquidi ad nervos transfluxum ita interceptum, vt, naturali ipsorum robore imminuto atque infraeto, ingens humorum lentor tarditasque progressionis inducatur. Cuius generis ista fuit capitis laesio, quae per cernicem in dextrum cerebri ventriculum penetrauit, & frequentibus immodicisque oscitationibus pandiculationibusque

i) In *Dissertatione* saepius iam citata, §. XIX.

que miserrimum aegrotantem vehementer adflixit; quam *Iobus a* MEEKREN inter chirurgicas, ipso auctore foras datas, retulit observationes *k*). Plura non attingimus exempla, ne iustae officiamus breuitati.

§. XXIII.

Haud vero laetabiles haemorrhagiarum variarum euentus, uti ex iam disputatis (§. XIII. XIV. XXII.) facile coniici potest, immoderatae huiusmodi oscitationes portendunt. Quandoquidem vel e nomine, quod difficillimi retardatique sanguinis fluidique neruei motus indicia ab oscitationibus petuntur (§. XIII.), valde ominosum est, si sub grauioribus huiusmodi haemorrhagiis aegroti intemperantius oscitant, metumque esse oportet aut longe effusioris, immoque funesti sanguinis profluuii, aut superuenturorum motuum convulsiuorum, animiue deliquiorum. Quos binos euentus exemplis confirmaturi, alterum, qui immoderatissimae sanguinis effusioni ansam dat, infra, dum mulierum nonnullos tangemus morbos, singularibus id genus historiis illustrabimus; alterum vero sequenti luculentissime probabimus observatione. Anno MDCCXLVII. amicorum nostrorum quidam frequentissima instituit canicidia, canibusque variis in locis, mox ex vno, mox ex pluribus foraminibus, iam venis, iam vero arteriis inflictis, omnem, quem potuit, sanguinem eo emisit consilio, ut attenta

D 3

animad-

k) In *Observationibus medico-chirurgicis, ex Belgico in Latinum translatis ab Abrahamo ELASIO, Cap. XVI. p. 87. Edit. Amstelod. MDCLXXXII.*

animaduersione singulas illas mutationes, quae animali fabricae ab eiusmodi vasorum vacuefactione atque collapsu accidunt, distincte obseruaret. Et ecce! simulac, insigni cruoris copia effusa, artierum pulsus debilior euadebat, misella haec animalia primo subinde tantum & infrequenter, dein vero aucta magis magisque frequentia oscitare coeperunt, donec sub ipsis immoderatissimis oscitationibus nerui musculique grauissime conuellerentur, mortemque indicerent mox accessuram 1).

§. XXIV.

Succedunt iam expediendi ii morbi, qui variis congestionibus sanguineis serosisque ortus debent suos, & plerumque acerbissimos dolores aegrotantibus inurunt: *motus* nempe *spasmodici*, *rheumatici*, *arthritici*, *convulsusque* (§. XVI.). Atque hi profecto, si qui alii vnquam, quasi familiares habent oscitationes morbosas; quarum proinde opportunissimus, ad diuersa signa in his morbis constituenda, est usus. Nostri ergo plurimum interest propositi, praecipuos, si non omnes, huius classis adfectus ex vario oscitationum consortio diiudicare. Ergo vt a capite ordiamur, haud incommode nostram hic faciemus sententiam illustris Michaelis ALBERTI, dicentis *m*): *Frequenter euenit, vt adfectus*

1) Ad illustranda haec phaenomena plurimum quoque lucis adferet docte conscripta Clarissimi Phil. Georgii SCHROEDERII Dissertatio de Convulsionibus ex haemorrhagia nimia oriundis; Marburgi, MDCCCLII.

m) In Dissertatione saepe numero iam citata §. X. p. 31.

Etus capitis congestorios, spasticos, & convulsivos, cum ventriculo consentientes, hoc symptoma, oscitatio nempe, molestat, eorumque fonticas exacerbationes, tanquam ominosus praecursor, indicet. Prae aliis vero illud cephalalgicarum genus, dum instat, crebrioribus prodi solet oscitationibus, quod a catarrhali serosaque ad glandulas salivales aut membranam pituitariam metastasi inducitur, & plerumque obscuro obtusoque doloris sensu incommodat aegrotis. Cuius indicii causas, si quis eruere velit, haud adeo longo difficilique opus est negotio, si ipse consideret modo, ob emissaria feri salivaeque, abundante colluvie referta & nonnihil obstructa, capitis venas & durae matris sinus sanguine turgere insigniter, eaque de re contiguarum vicinarumque arteriarum motui ita obniti, ut consuetus per easdem humorum motus paullulum impediatur atque retardetur, ac sic oscitationum nascantur *n)* incitamenta (§. X.).

§. XXV.

Sed in uniuerso cardialgicorum colicorumque cruciatuum ambitu, qui etiam modo memoratis spasmorum finibus circumferibitur (§. XXIV.), quasi in propria fede, regnant oscitationes. Mirifice enim alimentarium canalem, quem ipsum cardialgiae colicaeque adfectiones adfigunt, cum iis consentire organis, quae oscitationi perficiendae inferuiunt, quotidianae experientiae locupletissimum testimonium confirmat. Quippe, ut Physiologi

n) Subtilius haec enoluta deprehenduntur in Celeberrimi WALTHERI *Dissertatione allegata*, §. XVIII.

logi exemplis rationibusque docent o), modica illa atque naturalis ventriculi distensio, quae a pastu fit, partim sola pressione insignique tunc temporis renisu, partim parariis phrenicis stomachicisque nervis inter se connexis conspirantibusque, partim denique levi illa temporariaque vasculorum per recentem chylicationem effecta plenitudine, ita superiectum ventriculo diaphragma ceterasque partes ad respirationem pertinentes leni adficit irritatione, ut non solum haud ita multo post ciborum adsumptionem fibrarum musculosarum atque nervearum accedat subobscurus torpor, maximaque in somnum proclivitas, verum etiam ea ratione oscitationes subinde excitentur (§. II. X.). Quod phaenomenon intuiti antiquiorum recentiorumque Medicorum nonnulli, quicquid est oscitationum, ex ipso ventriculo, licet false, deduxerunt. Exempli loco citare liceat *Rosinum LENTILIVM*, Medicum ceteroquin non vulgaris nominis famaeque: *Oscitatio*, inquietem p), *est multus ac copiosus vapor, ex ventriculo confertim surgens, & oesophagum cum ore distendens.*

§. XXVI.

Proinde quanto frequentiores atque profundiores oscitatorii oris rictus animadvertuntur, tanto certius signi diagnostici prognosticique loco in praesentibus aut accessum iam minantibus cardiacis

o) Conferri quoque possunt plerique haecenus citati scriptores; speciatim, WALTHERVS in *Dissert. citat.* §. XV. & *Magnificus PRAESES* in *Dissert. citat.* §. XX.

p) In *Miscellaneis medico-practicis*, Part. III. p. 218.

gicis colicisque torminibus haberi possunt, tantoque maiora eiusmodi vitia in ventriculi intestinorumque actione adsunt. Quae cum multiplicis generis esse soleant, quaedam tantummodo in praesenti strictim attingemus. Nimirum huc pertinent stomachi infirmitas atque inertia, molesta a cibis potentisquae nimis, aut duris dyspeptisque impletio, materiae crudae, viscidae, acidaeue collectio, verminosa colluies, flatuum incarceration, spasmi singulares, intestinorum tractum hinc inde instantes, cartilaginis ensiformis depressio, & quae sunt id genus aliae, siue cardialgiae, siue colici doloris causae q), partibus, respirationis negotio praefectis, simul molestae adeoque incommodantes, ut saepenumero insolita frequentia aegrotos ad oscitandum cogant. Qui incongrui motus si & diutius perseverauerint, & crebrius redierint, vereri omnino Medicum decet, ne demum, ut saepe fit, insultus epileptici atque convulsiui, aut in iis, qui immodica laborant plethora, apoplectici sint superuenturi.

§. XXVII.

Quae (§. XXVI.) ne temere nos dixisse videamur, testimonio nobis sunt certi quidam & fide digni auctores: quorum observationibus effatisque dicta nostra constabunt. Summatim haec completitur vir iam saepius honorifice nominatus, *Augustus Fridericus* WALTHER, illos omnes, insolita quoque

q) Videtis quoque illustrem WALTHERVM in *Dissert. allegat.* §. XIX.

que ratione, oscitare adfirmans *r*), quicumque ver-
mibus, & stomachi, & intestinorum torminibus,
quin etiam plurium aliarum partium grauissimis
doloribus discruciantur, vt inde quoque epilepsia
futura metuatur ac saepenumero inducatur. E
singularibus vero exemplis, obseruando cognitis,
vnicum saltem tetigisse sufficiat, a *Christiano Fran-*
cisco PAVLLINI relatum *s*), vehementioris nimi-
rum oscitationis & pandiculationis, in aegroto quo-
dam animaduersae, a verminosa colluie oriundae:
quod ex eo apparuit, quoniam, idoneo remedio
adhibito, vna cum lotio & aluinis fecibus innume-
ri minutissimi vermiculi albicantes, instar ascari-
dum, expulsi in conspectum venerunt; quo facto
protinus oscitationis pandiculationisque insultus
paululum remiserunt, sensimque, continuato por-
ro medicamentorum anthelminticorum vsu, pror-
sus euanuerunt.

§. XXVIII.

Verum enim vero cum hoc spastico contuulsi-
uoque morborum genere (§. XXIV–XXVII.) con-
fluunt quasi & committuntur fines reliquorum isto-
rum grauissimorum periculosissimorumque adfe-
ctuum, a varia absoluta & paene immedicabili soli-
darum fluidarumque partium corruptione atque
labe productorum: quippe vnde

*Tot febres, tot languores, tot vbique dolores
A capite ad plantas humanum corpus vt extra,*

Sic

r) In *Dissert. citat.* §. postremo.

s) In *Lance satyra*, Decur. V. Obs. I. quocum confer *Michae-*
lis ALBERTI Dissert. citat. §. VIII.

*Sic intus patitur; per singula membra venenum
Infudit natura homini; caput, & manus, & pes,
Et latus, & stomachus grauius torquentur, & aures
Atque oculi, & fauces, renes; quid cetera dicam? t)*

Atque etiam profecto hoc amplissimum & latissimo ambitu diffusum morborum genus, siue ad fibras respicias debilitatas eneruatasque, siue humores consideres lentos, impuros, inquinatos & acres, si non perpetuo omnibusque in corporis humani locis, subinde saltem frequenterque, torpidos impeditosque musculorum reddet motus, sanguinisque per pulmones transituri iter paullulum retardabit, idque eo magis totiesque, quotiescunque novos repetitosque in corpus humanum meditatur impetus accessusque, & iamiam instat. Ex quo fieri non potest, si causas supra expositas animo repetamus (§. X.), quin etiam crebriores superuenturae sint oscitationes, hocque nomine inter horum quoque morborum varias significationes haud postremum locum sibi vindicaturae.

§. XXIX.

Quae (§. XXVIII.) ut paucis illustremus exemplis, merito hic prae reliquis nominandi sunt adfectus hysterici hypochondriacique, nec non epileptici & conuulsiui, itemque soporosi & apoplectici: quorum omnium accessiones recursusque crebriorem oscitationem, tamquam ominosum praecursorem, indicare atque praedicere, quotidiana

E 2

na

t) *Marcellus PALINGENIUS in Zodiaco vitae, Libr. VI. vers. 703. seq.*

na experientia constat *u*). Idem hic actus in herniosis frequentissime observatur *x*), eo praesertim tempore, si intestinum elapsum flatibus fecibusque aluinis distenditur. Ii quoque, qui animo delinquantur, paullo ante adfatum oscitare solent: quod si a causa grauiori, verbi gratia, enormi haemorrhagia, vlcere interno & sphacelo visceris cuiusdam, pulmonum imprimis, acciderit, funestum euentum iamiam instantem portendit *y*). Rariores autem huiusmodi oscitationes observantur *z*), in scirrhis vomicisque pulmonum, licet hoc viscus valde adgrauantibus: cuius phaenomeni ratio ex nimia huius visceris laxitate tunc praesente vnice commodissimeque videtur expedienda.

§. XXX.

Sed ad finem properantes nos pedem parumper sistere iubent aliquot adfectiones, quae ad mulieres grauidas parturientesque, nec non infantes singulatim pertinent, seque itidem variis oscitationum accessibus insultibusque frequentioribus interdum produnt. Tametsi enim inter laetabilia conceptionis factae signa oscitationem quoque summus ille ceteroquin apud veteres Semiologus, HIPPOCRATES

u) Fusius haec exponunt *Magnificus* PRAESES in *Dissert. cit.* §. XXII. WALTHERVS & ALBERTI *loc. citatis*.

x) Singulatim huius phaenomeni meminit WALTHERVS *loc. citat.*

y) Videatur *idem ibidem*.

z) Hoc quoque attingit phaenomenon modo allegatus WALTHERVS *loco citato*.

POCRATES, retulit *a)*: ipse tamen hoc indicium non omni dubio & exceptione maius existimasse videtur. Contra ea vero huiusmodi vehementes & immoderatae oscitationes, tam grauiditatis, quam puerperii tempore, certioris detrimenti sunt praenunciatrices; siquidem plerumque sanguinis, non per uteri solum, sed & aliorum viscerum vasa, propter tumores, infarctus, scirrhus, atque ulcera, transgressum difficilem impeditumque declarant. Cuius causae intuitu iam veteres, *PLINIVS senior*, *SOLINVS*, aliique oscitationem in enixu lethalem iudicarunt *b)*. Dum enim organa respirationi inferuentia crebrius ab oscitationis motu agitantur, interceptis turbatisque parturientis laboribus, partus redditur difficilior, immo saepius, ubi insignis uteri languor simul adest, vel funestae uteri inflammationi atque gangraenae, vel haud leuiori eiusdem partis haemorrhagiae oriundae ansa subministratur. Cuius generis locupletissimum exemplum illustris *WALTHERVS c)* in puerpera vidit grauius oscitante, quae cum infante & secundinis tantam sanguinis copiam ex utero profudit, ut altero horae momento animam quoque efflaret. Quam pessimi vero ominis in grauida muliere immodicae huiusmodi sint oscitationes, singulari eximie illustrauit historia clarissimus Editor operis cuiusdam

E 3

a) In *Libro de Superfoetatione*, §. IX.

b) *PLINIVS* in *Histor. natural.* Libr. VII. Cap. VI. & *SOLINVS* in *Polyhistore*.

c) In *Dissert. citat.* §. XIX.

dam *Coschwitziani d)*. Hic enim huius conditionis feminam vidit, quae ultimo trimestri, quo vterum secundum gestabat, per vnam, duas, tresue diei horas sine interuallo fere oscitauit, hocque malo hinc per continuum vteri tertium gestandi tempus, ad sextum etiam post vltimum partum mensem, afflicta fuit, donec tandem hectica exspirasset. Secta haec fistulosum vteri vlcus, & plures pulmonum tophos praebuit conspiciendos. Quae supersunt denique, *frequentes illae infantum recens natorum oscitationes*, quum a naturali instrumentorum, respirationi destinatorum, inertia oriuntur, ceteroqui vero, vti a WALTHERO luculentissime demonstratum est *e)*, in salutem magis, quam detrimentum infantum vergant, nos nunc amplius non occupabunt, finem Dissertationi nostrae imposituros, & nostra qualiacunque conamina aequis benignisque lectoribus commendatu-
ros.

d) In Praefatione ad *Libr. de Grauidarum, puerperarum & infantum recens natorum affectibus*, Lipsi. MDCCLXXXII.

e) *Dissert. & §. citatt.*

S. D. G.





Verlaube, da Dein Fuß aus unsern Triften eilet;
Sobald Hygea Dir den Doctor-Hut ertheilet,
Daß meine Pflicht Dir noch ihr letztes Opfer bringe
Und Deinen Ruhm nur kurz in stumme Sylben zwinge.
Mein Singer! Dieser Zoll ist wohl der Freundschaft werth,
Die unter uns ein Trieb zur Eintracht aufgeklärt.
Du hast geliebt: und wen? Wen sonst als Meditrinen?
Wie hat sie Dich belohnt? Vielleicht mit spröden Minen?
O nein! Sie schloß Dir gleich ihr fühlend Herze auf
Und hinderte durch nichts der heißen Triebe Lauf.
Umarme nun Dein Glück, daß Du Dir, Freund! verdienest;
Du bist des Kranzes werth, der Deine Stirn umgrünet!
Zieh hin! Elhsien bestimmt des Fleißes Lohn:
Die Eltern fordern nun den wohlgerathnen Sohn.
Zerbrich durch Deine Kunst der Krankheit schwehre Ketten!
Empfinde, wenn Du wirst die Braut des Jünglings retten,
Die Regung seiner Lust, die Dank und Seegen bringt,
Weil ihre Hand nicht mehr mit Todt und Ohnmacht ringt.
Bald wird des Greises Wunsch Dir kräftigen Seegen geben,
Der zitternd zu Dir kam für seines Enckels Leben,
Den Deine Wissenschaft, nächst Gott, ihm wieder gab
Zu seines Alters Trost und grauen Hauptes Stab.
Bald wird der Sohn zu Dir, bald wird die Tochter eilen,
Daß Du der Eltern Schmerz durch Deine Kunst solst heilen.
O! solche Scenen sind für einen Arzt wohl werth,
Daß keine faule Ruh die theure Pflicht versehrt,
Wozu ihn Schwur und Amt aufs heiligste verbindet,
Daß ihn des Nächsten Noth niemals zaudernd findet.
Erwege, wo Du fühlst, den Reichthum dieser Lust:
Ist ihres gleichen wohl: wenn die geheilte Brust
Erkenntlich schlägt und klopft, und, voll von Regung, waltet,
Und gleichsam Dankbarkeit, Gefühl und Seegen lallet?
Die Vorsicht trennet uns: Freund! folge ihrer Hand!
Verbreite Deinen Ruhm nun bald durchs Vaterland!

Und



Und wenn in seinem Schooß Dir Glück und Freude lachen,
So soll die Freundschaft mich entfernt auch fühlbar machen.

Dieses widmete, mit der Versicherung und mit
allen Empfindungen einer unverlethlichen
Freundschaft, des hochgeehrtesten Herrn
Doctoranden ergebenster Freund

Joh. Andreas Wilhelm Büchner, M. D.

Freund, wie erhaben ist das Herz des Weisen!
Sein scharfes Auge spürt den Werth der Dinge,
Er schätzt das Gute, er verwirft das Böse,
Und wählt das Beste.

Das Glück folgt ihm mit bekräuterten Schritten,
Zufriednes Lächeln strömt aus seinen Mienen,
Sein Herz fließt von reinen Freuden über
Und preißt sich seelig.

Freund! diese Wollust gleichfalls zu empfinden,
Hast Du die Zeiten klüglich abgemessen,
Du hast die Lehren der erhabnen Weisheit
Gründlich erlernt.

Du giebst uns ikund öffentlich ein Zeugniß,
Von Deiner Stärke in den Wissenschaften,
Ein jeder jauchzt Dir feyerlich entgegen
Und wünscht Dir Glück.

Dis reizt mich gleichfalls, Dich, o Freund! zu segnen,
Sei stets zufrieden, sey vollkommen glücklich,
Doch denke manchemahl auch an den zurücke
Der stets Dein Freund bleibt.

Zu einem beständigen Denkmahl unserer auf-
richtigen Freundschaft, schrieb dieses des
Hrn. Doctoranden gehorsamster Diener

J. S. Hilscher.

